

Jibañ ikijen taktō in ñi ñan elōñlok armij in COFA ilo Oregon



Ñan armij in COFA ro me rejab ebök injuran in taktō in ñi ibben Oregon Health Plan (OHP) ewōr juon wāween ekāäl ñan aer taktō ilo an ejellok wonnen.

- Ñan armij in COFA ro remaron tōbrak, taktō in ñi enaj jino Janwode 1, 2023.
- Kajjitōk ilo [ONE.Oregon.gov](https://one.oregon.gov) jino jen Nobemba 1, 2022.

Jino jen Janwode 1, 2023, elaññe kwe juon armij in COFA, im kwōjab bōke injuran in taktō in ñi eo am ibben aoleben OHA Plus (taktō in ambwinim, kalmenlokjen, im ñi), kwōmaron bök injuran in taktō in ñi ibben Burokraam in Taktō in Ñi eo an COFA (COFA Dental Program) ekāäl ibben OHP.

Kwōmaron kajjitōk ñan bök burokraam in jino jen Nobomba 1, 2022.

Kain taktō in ñi ta eo kwōmaron bōke jen Burokraam in Taktō in Ñi eo an COFA?

Burokraam in Taktō in Ñi eo an COFA ewōr ejjā jibañ in taktō in ñi ko ilo OHP Plus, einwōt:

- Karreo ñi
- Kurawun (crown) in ñi
- Taktō in ñi ilo idin ien
- Taktō in ñi kin metak ilo loñim

Mennin ej jet wōt kain jibañ in taktō in ñi ko armij ro rej kōjerbal Burokraam in Taktō in Ñi eo an COFA remaroñ bōke. [Bök melele ko relablok kin jibañ in taktō in ñi ko an OHP](#)

Ejellok wonnen jibañ in. Kwōjab aikuj kolla wonnen taktō in ñi ko kwōj bōki iumwin Burokraam in Taktō in Ñi eo an COFA.

Ewi wāween an ro uwaan Burokraam in Taktō in Ñi eo an COFA maron taktōiki ñier?

Ñe enaj melim ñan armij ro bök konaer ilo Burokraam in Taktō in Ñi eo an COFA, ro uwaan burokraam eo enaj deloñ ettaer ilo juon doulul ej kōlaajrak jibañ in taktō (Coordinated Care Organization, CCO) ilon 1-2 wiik. CCO eo enaj jibañ armij ro uwaan burokraam in maroñ taktōiki ñier. [Bök melele ko relablok kin CCO ko.](#)

Ñe juon armij uwaan burokraam eo enaj aikuj taktōiki ñiin mokta jen an jino an deloñ etan ilo CCO, ej aikuj kebaak KEPRO, lain in rōjañ eo an nōōj ilo OHP, ilo 1-800-562-4620. [Lale ijin laajrakin etan taktō ro aer ilo online.](#)

Wōn ro remaroñ kajjitōk ñan bōk Burokraam in Ñi eo an COFA?

Ñe kwe juon armij in COFA im:

- Kwōj jokwe ilo Oregon; im
- Ejañin wōr am injuran in taktō ibben Oregon Health Plan (OHP)
Innem kwōn kajjitōk ñan bōk Burokraam in Taktō in Ñi eo an COFA.

Ewōr an Burokraam in Taktō in Ñi eo an COFA kakien kin won ro remaron kadeloñ ettaer, im emaroñ pen melele kakien kein. Ebar wōr mennin aikuj ko ikijen kolla ak wonem. Wāween eo emmontata ñan jelā elañe kwōmaroñ delōñ ilo Burokraam in Taktō in Ñi eo an COFA ej ñan am kajjitōk ñan bōk burokraam eo.

Ñan am kajjitōk ñan bōk Burokraam in Taktō in Ñi eo an COFA, kwōj aikuj kajjitōk ñan bōk OHP. Renaj etale eok ñan aoleben jibañ ko an OHP Plus mokta.

Wāween am kajjitōk ñan bōk Burokraam in Taktō in Ñi eo an COFA

Ejellok wonen kajjitōk ñan bōk Burokraam in Taktō in Ñi eo an COFA. Ñan kajjitōk ñan bōke, kwōmaroñ:

Kajjitōk ñan bōke online:

- Etal ñan [ONE.Oregon.gov](https://www.oregon.gov) ñan am kadeloñ etam ak kōmmene juon am akkoun.
- Kanne juon ablikajon ñan Oregon Health Plan.
- Ewōr ablikajon in ilo Kajin Belle im Kajin Spanish.

Kajjitōk ñan bōke ilo peba:

Kwōmaron bōke juon ablikajon ilo peba ilo Kajin Belle im ilo kajin ko jet ilo am etal online ñan [OHP.Oregon.gov/Apply](https://www.oregon.gov/Apply)

- Download-i im print-i ablikajon eo ilo peba ilo [Kajin Belle](#), [Kajin Palau](#), [Kajin Pohnpei](#), ak [Kajin Kosrae](#)
- Kurlok Jikin Jibañ eo an Ro rej Uwaan OHP ilo **1-800-699-9075** ñan aer jilikinwoj juon ablikajon ilo peba.

Ilo am jede lok:

Kwōmaron ebbōk jibañ kin ablikajon eo online ak ilo peba ilo am kebaak juon jikin ilo jukjukinbed eo im ej jermal ibben OHP ilo bit.ly/ohplocalhelp. Ba ñan er ke kwōkōnaan kajjitōk ñan bōk Burokraam in Taktō in Ñi eo an COFA.

Kwōj ke aikuj jibañ?

Elaññe ewōr am kajjitōk ikijien burokraam eo ak ñan lale jekjekin ablikajon eo am, kwōmaron kurluk Jikin Jibañ eo an Ro rej Uwaan OHP ilo **1-800-699-9075**.

KAJJITOK IM UWAAK KO

Wōn armij ro rej COFA?

Armij ro rej COFA rej jen:

- Federated States of Micronesia,
- Republic of the Marshall Islands, im
- Republic of Palau.

Armij in COFA reruwainene in jambo, jermal, im jokwe ilo Amedka iomwin Bujen in Kakien etan in Compact of Free Association (COFA) ibben Kien eo an Amedka.

Etke ablikajon eo ej ba ij kajjitōk ñan bōk Oregon Health Plan eo im ejab Burokraam in Taktō in Ñi eo an COFA?

Rej lelok Burokraam in Taktō in Ñi eo an COFA ilo Oregon Health Plan.

Ij ke aikuj kolla nan bōk konaō?

Jab, kwōjab aikuj kolla jabdewōt ñan kajjitōk ñan bōk Burokraam in Taktō in Ñi eo an COFA.

Imaroñ ke kajjitōk ñan bōk Burokraam in Taktō in Ñi eo an COFA ñan jino im jema ak jibu im jimao?

Jouj im kenono ibben Jikin Jibañ eo an Ro rej Uwaan OHP ak juon Jikin ilo Jukjukinbed eo im ej Jermal Ibben OHP.

Ta eo enaaj walok elaññe ijab tōbrak ñan Burokraam in Taktō in Ñi eo an COFA?

Emaroñ wōr burokraam ko jet kwōmaroñ kadeloñ etam ñan am ebōk injuran in taktō in ñi, waan joñak ibben Burokraam in Taktō in Ñi eo an Ro Raar Ritarinae (Veteran Dental Program). Jouj im kenono ibben Jikin Jibañ eo an Ro rej Uwaan OHP ak juon Jikin ilo Jukjukinbed eo im ej Jerbal Ibben OHP.

- [Riit ikijien Burokraam in Taktō in Ñi eo an Ro Raar Ritarinae](#)

Etke mennin ej waļok?

[Kakien eo jen Kumi eo an Senate 1538 \(2022\)](#) ej kajinet an Oregon Health Authority eo kajutak juon burokraam in taktō in ñi ñan armij in COFA ro rejab maroñ tōbrak ñan aoleben OHP.

OHP.Oregon.gov